

Angka Giliran: _____

No. Tempat Duduk: _____

UNIVERSITI SAINS MALAYSIA

Peperiksaan Semester Pertama
Sidang 1988/89

FEL 207 Pengantar Kepada Ubat-Ubatan Tradisional

Tarikh: 26 Oktober 1988

Masa: 2.15 petang - 4.15 petang

(2 jam)

Kertas ini mengandungi LIMA soalan.

Jawab EMPAT (4) soalan sahaja.

Soalan 1 adalah wajib dan mesti dijawab di atas skrip yang disediakan.

Semua soalan mesti dijawab di dalam Bahasa Malaysia.

ANGKA GILIRAN: _____

1. Soalan Pilihan Berganda. Jawab semua soalan dengan menandakan (/) ruang yang dikhaskan bertentangan dengan jawapan atau pernyataan yang BETUL ATAU PALING SESUAI bagi sesuatu soalan. Hanya SATU jawapan/pernyataan sahaja yang betul atau paling sesuai bagi tiap-tiap soalan. Sebahagian markah akan ditolak bagi jawapan yang salah.

(A) Pokok Cinchona succirubra

- (a) tidak boleh tumbuh di tanah rendah
- (b) boleh tumbuh di tanah rendah tetapi kandungan alkaloidnya kurang
- (c) memerlukan perlindungan
- (d) hidup dengan subur di tanah berkapur

(B) Bahan-bahan berikut perlu diambil/dituai secara saintifik menggunakan buruh mahir kecuali

- (a) ipecacuanha
- (b) digitalis
- (c) belladonna
- (d) cinchona

ANGKA GILIRAN: _____

(C) Yang mana di antara berikut mempunyai kesan ekspektoran?

- (a) Ipecacuanha
- (b) Candu
- (c) Belladona
- (d) Senna

(D) Spesis kulat yang biasa menyerang drug mentah yang tidak disimpan dengan baik adalah

- (i) rhizopus
 - (ii) mucor
 - (iii) penicillium
- (a) Jika (i) dan (ii) adalah benar
 - (b) Jika (ii) dan (iii) adalah benar
 - (c) Jika (i) dan (iii) adalah benar
 - (d) Jika (i), (ii) dan (iii) adalah benar

ANGKA GILIRAN: _____

(E) Kesetaraan kuinina suatu drug baru adalah 15.
ertiya

- (a) drug baru itu 15 kali lebih kuat daripada kuinina
- (b) drug baru itu 15 kali lebih lemah daripada kuinina
- (c) diperlukan dos 15 kali lebih besar daripada kuinina untuk mendapatkan kesan yang sama
- (d) diperlukan dos seperlimabelas kali lebih kecil daripada kuinina untuk mendapatkan kesan yang sama

(F)	Kesetaraan kuinina kesan antimalaria	Kesetaraan kuinina ketoksikan
Drug A	15	10
Drug B	10	15

Jurang keselamatan untuk kuinina, drug A dan drug B ialah

- (a) kuinina > drug A > drug B
- (b) drug A > drug B > kuinina
- (c) drug A > kuinina > drug B
- (d) drug B > kuinina > drug A

ANGKA GILIRAN: _____

(G) Pengambilan bahan ubat daripada bunga sebaiknya dilakukan

- (a) sebelum ia kembang sepenuhnya
- (b) setelah ia kembang sepenuhnya
- (c) setelah ia layu
- (d) selepas hujan

(H) Pencemaran suatu serbuk kasar drug mentah dengan pasir boleh dikesani dengan penentuan

- (a) nilai pengekstrakan
- (b) nilai abu
- (c) nilai abu tak larut air
- (d) nilai abu tak larut asid

(I) Penentuan peratus minimum abu terlarut air boleh mengesan halia yang

- (a) dicemarkan dengan pasir
- (b) dicemarkan dengan tanah dan tidak dibasuh
- (c) layu
- (d) tidak cukup kering

ANGKA GILIRAN: _____

(J) Yang mana di antara berikut mengenai kesan antimalaria kuinina adalah benar?

- (a) Ia berguna untuk profilaksis
- (b) Ia kurang berkesan dibandingkan dengan klorokuina
- (c) Ia boleh membunuh parasit malaria di dalam tisu
- (d) Tidak ada jawapan yang benar

(K) Yang mana di antara berikut mengenai penyaringan antibiotik adalah tidak benar?

- (a) Antibiotik baru dicari dengan menyaring kesan antibiotik sampel tanah daripada banyak tempat di seluruh dunia
- (b) Antibiotik streptomisin dikesan berkali-kali dengan perbelanjaan yang besar
- (c) Kemungkinan untuk mendapat antibiotik baru adalah kecil kerana cara penyaringan yang digunakan adalah sama
- (d) Antibiotik penisilin dijumpai secara penyaringan teratur

ANGKA GILIRAN: _____

(L) Kaedah kromatografi lapisan nipis adalah berguna di dalam proses pengasingan bahan aktif kerana ia

- (a) tidak memerlukan radas mahal
- (b) mempunyai kuasa pengasingan yang baik
- (c) boleh dijalankan dalam skala mikro atau preparatif
- (d) semua jawapan di atas adalah benar

(M) Kromatografi gas-cecair adalah berguna untuk analisa bahan-bahan aktif di dalam satu ekstrak kerana ia

- (a) boleh digunakan untuk bahan-bahan meruap dan tidak meruap
- (b) mempunyai kuasa pengasingan yang tinggi
- (c) senang ditingkatkan ke skala preparatif
- (d) sesuai digunakan untuk bahan-bahan termolabil

ANGKA GILIRAN: _____

(N) Satu cara analisa kimia yang berikut boleh memberi maklumat tentang jenis kumpulan-kumpulan berfungsi di dalam sesuatu molekul

- (a) kromatografi prestasi tinggi
- (b) resonans magnetik nuklear
- (c) spektrometri jisim
- (d) spektroskopi infra-merah

(O) Di dalam pengekstrakan sesuatu bahan berbes

- (a) pelarut pengekstrakan mestilah bersifat polar
- (b) pengekstrakan mestilah dijalankan pada nilai pH tinggi
- (c) pengekstrakan mestilah dijalankan dengan pelarut tak polar
- (d) semua jawapan di atas betul

(P) Parameter untuk ujian subkronik khusus kepada

- (a) LD50, ED50 dan TD50
- (b) ujian ketoksikan kulit
- (c) hematologi dan pertumbuhan
- (d) ujian kerengsaan kulit

ANGKA GILIRAN: _____

(Q) Ciri-ciri letaliti tidak memerlukan

- (a) jangkamasa sebelum haiwan mati
- (b) dos efektif untuk gerak balas unit probit 5
- (c) kecerunan kurva LD50
- (d) nilai LD50

(R) Di antara faktor gerak balas drug, semua pernyataan berikut adalah benar kecuali

- (a) kepekatan drug di dalam darah selalunya mencerminkan gerak balas drug
- (b) kepekatan drug di reseptor selalunya mencerminkan gerak balas drug
- (c) gerak balas drug dan paras darahnya selalu digunakan sebagai pertanda kesan farmakologi
- (d) kesan toksik sesuatu drug mungkin dihasili oleh organ yang berbeza daripada kesan efektifnya

(S) Takipnea dan ortopnea adalah merujuk kepada sistem

- (a) hati dan jantung
- (b) ritma jantung in vitro
- (c) pernafasan
- (d) kerengsaan kulit

ANGKA GILIRAN: _____

(T) Perhubungan di antara dos dan kesan drug dicirikan oleh

- (a) ED50 dan LD50
- (b) TD50 dan ED50
- (c) LD50
- (d) semua jawapan adalah benar

(U) Perkara yang asas di dalam farmakologi adalah khusus untuk penilaian kesan

- (a) drug serta perhubungan gerak balas dos
- (b) drug ke atas sistem dan organ yang menghasilkan kesan toksik sahaja
- (c) LD50 dan ED50
- (d) kronik dan akut

(V) Jika nilai ED50 drug X ialah 70 mg/kg serta nilai TInya ialah 200 dan nilai LD50 untuk drug Y ialah 200 mg/kg, satu pernyataan berikut adalah benar

- (a) indeks terapeutik X dan Y tidak boleh dihitung
- (b) indeks terapeutik X ialah 200
- (c) indeks terapeutik untuk Y ialah 2.8
- (d) indeks terapeutik X ialah 2.8

ANGKA GILIRAN: _____

(W) Jika keputusan fasa kronik untuk sesuatu drug adalah memuaskan dan nilai TInya tinggi (> 100), drug tersebut boleh

- (a) disyorkan kegunaannya ke atas haiwan sahaja
- (b) digunakan sebagai rawatan untuk manusia
- (c) diuji ke atas manusia sihat sahaja
- (d) digunakan oleh sesiapa pun

(X) Satu daripada pernyataan berikut tentang ED50, LD50 dan TD50 adalah benar

- (a) Dos efektif dan dos letal sesuatu drug jarang digunakan untuk hitungan TI
- (b) Walaupun nilai TD50 khusus kepada semua kesan-kesan toksik, ia tidak selalu digunakan
- (c) Kurva TD50, ED50 dan LD50 bertindak di reseptor yang sama jika kurva masing-masing selari
- (d) Kurva TD biasanya melintasi kelok LD di antara unit probit 6 hingga 7

(Y) Paracelsus mencatatkan bahawa

- (a) bahan-bahan yang diguna sebagai drug mestalah diuji dengan teliti dari segi LD50
- (b) bahan yang digunakan sebagai drug adalah racun sehingga ianya telah diuji
- (c) drug yang selamat mempunyai indeks terapeutik yang besar
- (d) semua bahan yang ditakrifkan sebagai drug mestalah dari sumber semulajadi

(25 markah)

2. (A) Bincangkan cara pengeringan dan penyimpanan drug-drug mentah.

(B) Bincangkan penggunaan penentuan kadar minyak meruap, nilai R_f dan indeks pembiasan dalam penentuan mutu dan ketulenan drug. mentah.

(25 markah)

3. (A) Bincangkan kebaikan dan keburukan penggunaan haiwan percubaan di dalam penyaringan kesan terapeutik ubat-ubatan.

(13 markah)

(B) Bincangkan secara ringkas kaedah-kaedah kimia yang digunakan di dalam pengenalpastian sesuatu bahan aktif daripada suatu ekstrak tumbuhan.

(12 markah)

4. (A) Nyatakan prinsip serta cara pengukuran LD₅₀ untuk satu ramuan tradisional. Terangkan jenis haiwan, jangkamasa kajian dan ukuran parameter yang perlu diawasi.

(10 markah)

- (B) Terangkan ukuran 'normal equivalent' dan unit probit. Apakah nilai skala tersebut apabila dibandingkan dengan gerak balas normal (unit peratus)?

(8 markah)

- (C) Definisikan dos tertahan maksimum.
Nyatakan bagaimana nilai tersebut ditentukurkan.

(7 markah)

5. (A) Terangkan teori kemaskini untuk perubatan homeopati dan akupunktur. Beza dan bandingkan kedua-dua cara perubatan alternatif tersebut.

(10 markah)

- (B) Nyatakan dengan ringkas bagaimana ujian kerengsaan primer dan cahaya dijalankan. Adakah kedua-dua ujian tersebut berlandaskan mekanisme yang sama?

(8 markah)

- (C) Nyatakan tujuan menjalankan satu ujian kronik.
Bincangkan

- (i) dos
- (ii) bilangan haiwan
- (iii) cara pemberian drug/ramuan
- (iv) jangkamasa ujian
- (v) parameter pengawasan

266 (7 markah)